

金石續編

金石續編卷第五

唐

武進陸耀通纂

太倉陸增祥校訂

唐二

中書令昭公崔敦禮碑

標本字徑七分正書篆額在陝西醴泉縣

大唐故太子少師中書令

開府儀同三司并州大都督

□□□李昭公神道碑

于志寧字仲謐作文

蓋聞□□□五臣□□□圖周王定霸四友贊其英

畧故能撥亂御極類帝缺籌締捕之始樹績雲雷之初

成配缺之功建□鼎之業經文緯武尊主庇人齊德夔

龍連芳風力形圖麟閣銘勒□□□武開缺執鈞享四

思窮物理珪組奔口方千紀之羽儀紳佩蟬口比九世

爛口於緹口口被於簡牘曾祖宣猷周梁州摠

大□稽天預奠川之鴻業醜徒嘯侶叅□□之

隨口將軍代州掇

溫文爾雅而言成表率

州諸

軍事定州刺史委質平臺藻思越於枚馬陪遊河曲鴻

□於應劉□聲振於生前哀榮備於身後揚暉鳳策

播美龍圖公昭孝懷忠口文口質幼缺之光渥水口騰

騁千里以追電溟池將運籌九方口摩霄文極口口才

高吞鳥學口繁露思兆夢蛟論道率化之方體國經野

之術齊暉稷解口口業缺髮缺黃屋沒於望夷黔首墜

於塗炭大唐循口口國辨位居方口口以便通賢蒲輪

以招奇士公識芒碭之啟靈知梁宋之興口投刺轅門

缺禮殆將滅性口鑽燧而摧口對風樹以興哀昔高柴

泣血三年楊臻居喪七載按斯至性詎可相方武德二

年奉勅奪情授左勳衛口年授缺勅檢校右驍衛府長

史口年右校叛換亟擾天田左賢陡口將迴地軸蕩滌

通寢事籍謀猷奉勅副郢國公宇文士及往嬌州經略

事了缺公缺詔比缺奉勅往幽州追都督盧江王李瑗

其瑗陰預戾園之謀將據河朔之地嘯命兇醜肇為亂

隋公非理被囚缺人金銀器口十一件細馬一匹其年

奉勅副御史大夫安吉郡公杜淹往武功口蔣黠還授

中書舍人缺之以茅口六年授員外散騎缺騎常侍行

中書舍人七年守太常少卿三雍七郊之禮則口之於

靈口口咸口口之樂口口之於缺於缺族行口於夏首

化洽九江循吏於是彈冠貪夫爲之解印聲高八俊譽

邁二星九年屬有國哀靈駕先發以公攝使十缺切口

昭禁暴之本口選列缺代咸寄親賢今授此官允於食

望昔炎政口季區宇混淆六樂與沙塵俱崩三禮將原

火缺延陟恃燭龍之阻深騁射鵰之小伎失事大之節

懷凌長之心公運婁敬之良籌擣鄭眾之雄辯呼韓以

之削衽口口於是

缺

年公奉使往延隋口和親事蒙賜

絹三百匹其年授右屯衛將軍望超二衛寄重三軍方

信布之爪牙比良平之心腹漢

缺

都比李牧作宰聲

震龍庭譬魏尚剖符威懾狼望膠折息肅關之騎月滿

絕甘泉之烽廿年授銀青光祿大夫守兵部尚書

缺武

事位光祿命職統五戎政典附之以納言喉舌寄之

以元凱聲馳禮閣譽滿周行尋正除兵部尚書檢校

缺

之飛口西口口之尚也其年副太尉趙國公檢校山陵

鹵簿事畢蒙進爵爲公食邑一千戶賜物五百段

缺奉

綸言負璽左曹言七車以對詔獻替旒宸損益機斷雖

渭浦地叶周口傳口夢感口口以

缺

淡白志尚清虛固

讓機權願歸閑逸而承華肇建望苑初開審喻籍以正

人調護賢於

缺

從於儲君故以德茂曩賢名高往哲者

也而東流難止西景易沉未登日月之期

口以

缺

嗟簪裾爲之揮涕輿駕於雲龍門舉哀詔祕書

監駙馬都尉長孫冲職方郎中温

長孫知人監護太府少卿韋思齊爲副又令中書侍郎

李義府持節

缺

祭皇太子昭陵之南安樂鄉平美里

惟公降辰昂之秀氣稟嶽瀆之精靈

缺

材聳棟梁

缺

望

徵江

缺

爲衣冠之表綴寶朝倫之規矩自隨風不競海

縣分崩三戶興滅

秦

之師八百起亡殷之衆人

缺

神筭

遠聞吐納赤墀對揚流譽侍衛丹辰巡警有聲建節榆

關塵清柳室張旃鹿塞□□狼山缺孫慙其好施子敬

愧其輕財博識古今趙晉朝之武庫決勝罇俎冠漢室

之智囊見□必□□分馬□缺可謂廊廟之瓌寶朝序

之宗臣者焉而眉壽莫終麥匪之祝遂爽日□未□□

召之□無□缺心孝德究慎終之道恐菜田變海深谷

為陵懿範不傳徽猷永沒所以勒□二□繼公□之缺

儀天曾構控地長源大庭誕祉尙父開藩賦趙雅頌論

擬文言家傳積善世樹高門其一辰象降□川缺狐鳴星

亡鬼失懷玉擇主元天改卜其三聖人有作乘時定亂負

鼎經缺啓□劒匡贊屢缺毛警衛六官述職龍池鼓鱗

鳳條矯翼缺子房審喻長缺其有儀缺若朝典□如缺



敵

缺

日宰樹籠煙玉棺永閉寶劍空懸

〇〇

唐太子少師崔敦禮碑尙書左僕射于志留撰太常少卿于立政書敦禮博陵人位至太子少師侍中中書令固安縣公諡曰昭據唐書敦禮字安上而此碑曰君諱安上字敦禮又曰本名元禮武德二年敕改爲敦禮前後自相乖誤當以敦禮爲正碑以顯慶元年十月立

集古錄曰

第六百二十九唐中書令崔敦禮碑于志留撰正書無姓名顯慶元年十月案新唐史列傳云敦禮字安上而宰相世系表則云名安上字敦禮今此碑所書與表合然舊史及碑皆言敦禮本名元禮高祖爲改

名焉其孫兢墓誌亦云名敦禮蓋疑其以字行耳又

世系表其末載崔氏爲宰相者二十餘人而獨不著

敦禮乃其闕漏也

金石錄

崔公墓碑已剝落然所存者整潔俊逸顒顒明珠也

筆致大似李衛公碑當亦是王知敬書秦人趙岫云

此碑久佚少傳於世又薛收碑書法亦類此當俱是

王書也

庚子銷夏記

崔敦禮碑于志甌撰文于立政正書案集古錄顯慶

元年十月立庚子銷夏記作王知敬書誤

關中金石記

崔敦禮高宗時宰相本名安上以字行唐書有傳此

碑泐其名字曾祖宣猷本名猷亦以字行祖仲方字

不齊信都太守固安縣伯父熹字大德鳳泉合石城  
縣男皆見於宰相世系表碑敘先世有固安縣三字  
謂其祖也敦禮傳載其通知四夷情僞屢使突厥前  
後建明允會事機故碑屢言使邊事卒年六十一陪  
葬昭陵碑雖殘泐其始末亦約畧可辨

符清館金石記

### 光明寺慧了塔銘

縱橫二尺二寸二十四行行二十四字正書下方左角缺三十餘字在陝西西安府終南山

### 大唐光明寺故大德僧慧了法師銘

法師口慧了俗姓宋氏若夫西京纂厯車騎建其英謀  
東漢握符司徒鼎其鴻業曾搆與靈山比峻昌原共德  
水俱長人物備在典口口烈煥乎篆籀法師道心天縱

解行自然不假薰脩已達四禪之趣無勞雕琢便登八  
正之途七歲出家久著老成之德十三依衆早識性相  
之原有信行禪師者釋氏之冠冕棄門之棟梁達究竟  
於沖襟窮權實於靈府濟羣生於正覺闢衆品於重昏  
一見法師歎之良久曰紹隆三寶非仙子而誰法師遊  
刃三乘括囊十地闡龍宮之奧旨演版野之微言遠近  
歸依道俗鑽仰尔乃心敦寂滅志絕攀緣晦跡林泉韜  
光巖谷

文帝旣行輪王之聖教將窮正法之因宗

勅令太子太保宋公瑀大德僧內銓簡三人所以辟召  
法師方擬對揚

宸極宋公共論法相鄙若便祛似遇天親如逢無著因  
而居□□範縉徒其有鑠腹決疑杖錫請法咸剖錯節  
俱釋盤根但□□居諸晦明迭代崦光易落閱水難留  
旣傷壞木之哥還切□舟之歎顯慶元年八月五日寢  
疾遷神於光明寺禪坊春□□十有四卽以二年二月  
十五日於終南山梗梓谷禪師□□骨起塔昔郭泰  
飛英漢室尙勒無愧之文賈逵擅譽□□□不朽之  
頌況津梁六道濟度四生理須播美縑緗□□□□  
爲銘曰

偉哉開士道濟群生跨躡龍樹牢籠馬鳴□□□□  
□□□旣登豚果永斷無明

太子太傅尚書左僕射監修國史上柱國

下缺

按此石嘉慶初出土金石家皆未著錄塔亦無存云於終南山梗梓谷起塔則知與信行禪師塔相近仙子之仙乃古文佛字京口甘露寺鐵鑊文梁天監造仙殿前佛亦作仙宋公瑀卽蕭瑀也

曾構之曾古文層字見於古書者甚多壞木之哥哥字亦古文見說文解字冠冕作冕乃碑之誤然亦可見古人作冕不似今人作冕全失从

三之惰也

陸增祥志

### 信法寺彌陀象碑

碑連額高七尺二寸廣三尺四寸三十一行行五十六字正書額題大唐信法寺彌陀象碑九字三行篆書

金丘唐二

七

陽文額右旁有大像主雲騎口李令  
撫任州市丞十四字在直隸元氏縣

原夫有或染性之初無明住地之始家犬羸而易遣野  
鹿柔而尙馴暨乎結賊締交俄成六十有二愛魔乘便  
終爲八万口千生死之業旣殷輪迴之勞詎息攸攸口  
趣積膏踰乎嵩華擾擾四生洩淚憊乎溟渤旣橫流於  
欲水亦奔駭於嗔歎沈殷憂期於啟聖拯溺在乎深仁  
若乃五眼僚羅知見之功已大三身光被攝受之道斯  
弘藹藹因猷禪慧爲其力用堂堂相好慈忍爲其風骨  
畢竟清淨識法海之常澈口性貞明知佛日之恒照何  
則法本不然非雙林之所能滅空卽是色豈千母之所  
能生斯乃具相歸無唯識假有示變烏鴉沈作而非去乘

西鳥而無來故能奄有十方遂荒三界或權或實且俗  
且真口智莫之闕睿辯所不測豈與夫緝經演繹其  
優劣者哉是以龍爲具瞻釋梵歸仰魏齊蕩蕩無得而  
稱至如慧刃霜飛解疑船之愛網智口風舉摧怖畏之  
坏餅遂使闔王蠲疾於身心難陀脫屣於妻子不其然  
歟信法寺者比已尼釋解口口所存也氐川灌其北麓  
墓踣其南原野阡眠室宇膠葛土韞斷金之奇意女星  
如玉之華姿有列仙之遺風居全趙之勝地處窮巷而  
非隘迫壓里缺而非誼不豐不陋不缺口不野合至道  
之要妙據方便之岐劇洗洗法侶俗定水而去援心濟  
濟仙儀權虛舟而昇慧岸清風將梵響爭流芳芷與香



卷五

雲競覆夜鐸吟鸞鳳之曲曉幡曳虹蜺之影徘徊四照

含日露而揚輝霍靡九衢掩蘭蕙

沈作

而矜色於是祁

祁士女習習紈素憧憧不絕口口相口咸淨七枝俱捐

三毒解疑釋累叩鴻鐘而不窮虛往實歸酌衢樽而靡

竭雖日連駭儀而改服斯邨聞戒而歸虔無以過也

大唐均口造物神功遐暢德澤共二儀潛運冥化與

七曜齊光播五禮以移風扇六樂而成俗

太宗文皇帝重光御極體睿疑圖

號始自夏勃翽群飛

於海外賜之仁壽拯塗地於寰中氈裘板屋之首入提

封而請吏雕題鏤匱之長疑郊甸以相趨蠢尔三韓不

供貢職肆梟鏡於君主施鳩毒於萌

沈

黎士口憂惶道

親  
印

山

作

Eni

心

而

大

百

之

竟

不

測者乎於是思報慈恩咸申本願俯求斑爾嗣彼優填  
墓寫真容極茲神變真光共口輪同照口口與菡萏俱  
青丹脣紺髮之表紫口白珂之色丈六顯其尊儀一毫  
摘其勝相瑤沆瀣既控法流寶樹叅差還生淨果淒鏘  
鵲奏含夕詞賦此字吹而方清搖曳蜺裳亂煙雲而且至  
皇皇侍衛旃檀爲貞實之林弈弈仙宮瑠璃爲正觀之  
地莫不覩相增善結願往生低頭而入巨宅舉手而成  
佛道趙州刺史李振長史潘祐司馬韋慤並衣冠墮園  
嶽瀝英靈布四序之和風贊六條之善政鈞距旣設則  
下吏不欺驥足風驅則上京馳譽元氏縣令李守節源  
流偕遠地望清華標格千刃嵒瀾万頃和如琴瑟商類

亭鮮水鏡爲心冰霜成操琅琅高致月旦與瓊璫齊  
亭亭孤竦歲暮將寒松比色不可得而近不可得而疎  
寺主比曰屋通達上坐曇叡都維那負應負意等並渴  
仰大乘任當小罪合募人等咸冀滅除心垢耘耨身田  
莫不異口贊成同誠心此作惟懼怕薪交謝舟壑  
潛移形無常主生亦有崖不口鐫勒輝光口爲乃爲銘  
曰實實此作相之相無此作名之名惟悅惟忽非  
色非聲不來不去誰滅誰生彼宅火宅斯城化城至矣  
能仁猗歟善逝救焚拯溺通幽起滯既達性源還依本  
號際佛曰長朗廣運潛此作都勝地列真此作託  
招提載起飛甍綺錯更似菴園還同柰閣方傳法鼓恒

流聖鐸明明口帝光宅神州茲荒卉不率王猷爰

極口屬于青口暫舉渤澥安流無言不讎無德

不報矧乃先覺人天善道幽贊之功叶于口到俯求八

絕攀茲一口號神口印口印口相堂堂目華蓮淨

雪光池含瑞碧樹挺琳瓊淒清鶚奏搖曳蛻寒聲

循口作佐口在彬彬夏宰捺勁松筠口芳蘭口

苗園口功口立勝因口在口口口口口歸法海一念口

含虛假四相遷移寒暑遞進日月交馳流芳頌美文不

在折式刊貞石永樹豐碑前縣承鄧萬英撰文顯

慶三年四月八日

右碑無書碑人姓名撰文者為前縣承鄧萬英兩唐

書無名題額右旁有正書一行云大象主雲騎口李  
令撫任州市丞騎下一字勅當是尉字唐六典上州  
有市令一人從九品上丞一人中下州市令丞各一  
人唐會要垂拱三年二月上州置市令案此碑立於  
顯慶三年已有州市丞之官知會要謂州市令置於  
武后時其言不足據碑爲元氏縣一百人等應募從  
征高麗事平還鄉申願造象而立太宗征高麗事見  
舊唐書本紀及高麗傳又張亮傳云太宗將伐高麗  
亮頻諫不納因自請行以亮爲滄海道行軍大總管  
管帥舟師自東萊渡海襲沙卑城破之虜其男女八  
千口所云水陸齊舉當卽指此又碑有刻石銘功之

語本紀云六月丁巳高麗別將高延壽等率兵十五萬來援安市李勣率兵奮擊上自高峯引軍臨之高麗大潰延壽等以其眾降因名所幸山爲駐驛刻石紀功焉又高麗傳命中書侍郎許敬宗爲文勒石以紀其功又本紀冬十月戊午次漢武臺刻石以紀功德又碑有趙州刺史李振長史潘祐司馬韋慤新舊唐書皆無名新唐書宗室世系表渤海王房有名振者延州別駕爲渤海敬王奉慈孫與此名同當非一人又元氏縣令李守節新書宰相世系表丹陽房李氏有守節光化令爲衛景武公靖弟客師孫又東祖李順房衡水令東王第二子亦名守節稽其時代皆

在此後

沈壽常山  
貞石志

按元氏縣信法寺彌陀像碑鄭萬英文爲柱國李  
口徵飛騎尉杜遠並應募百人從征遼東申願造  
象而作也通鑑唐太宗貞觀十八年將征高麗十  
月幸洛陽以張亮爲平壤道行軍大總管帥江淮  
嶺峽兵四萬長安洛陽募士三千戰艦五百艘自  
萊州泛海趨平壤以李世勣爲遼東道行軍大總  
管帥步騎六萬及蘭河二州胡趨遼東兩軍合勢  
並進遠近應募不可勝數皆取願行者募十得百  
募百得千詔諭天下以高麗蓋蘇文弑主虐民問  
罪遠碣所過營頓無爲勞費十九年二月上將諸



軍發洛陽三月至定州謂侍臣曰遼東本中國之地隋氏四出師而不能得朕今東征爲中國報子弟之讎高麗雪君父之恥士卒咸悅有不預征名願以私裘從軍者動以千計四月李世勣自通定濟遼水至元菟拔蓋牟城張亮帥舟師自東萊渡海襲卑沙城五月世勣攻遼東城上引精兵助之圍數百重克其城以爲遼州九月班師十一月至定州碑云肆臯鏡於君主施鳩毒於萌黎指高麗之弑主虐民也義勇爭先指應募之眾水陸齊舉指李張兩軍之合進也太宗東征往返皆次定州元氏屬趙州去定州二百里而近史稱遠近應募

元氏百人實與焉元和郡縣志贊皇縣泝水在縣西南三十五里韓信斬陳餘處泝水在贊皇西南而在元氏之北趙州刺史李振長史潘祐司馬韋愍元氏令李守節皆無考方志職官所宜采也阡眠卽芊眠膠葛卽膠轄眠因諱省芊阡轄葛同音通字俗定水而去緩心俗乃沿誤標格千刃刃與勿通任州市承前縣承承卽丞也萃編載長安三年信法寺真容像碑序云信法寺者隨開皇三年所立蓋卽此寺王氏未見彌陀像碑故疑寺在河東

碑文闕字據常山貞石志補注於旁其所互異

悉注於下志有闕誤一並註明碑陰題名可勿錄也梟獍作鏡驩驩作聊鏡乃譌字聊借文推鋒於標杵之地推乃摧之誤均前跋所未及

詳志

千佛山劉元意造象記

高廣不計三行行十二字正書在山東歷城縣千佛崖

大唐顯慶三年九月十五日齊州刺史上柱國駙馬都尉渝國公劉元意敬造口像造養

攷唐書公主傳太宗女南平公主下嫁王敬直以累斥嶺南更嫁劉元意又劉政會傳子元意襲爵尚南平公主與石刻合史稱元意高宗時爲汝州刺史不

知其嘗刺齊州也

潛研堂金石文跋尾前錄

千佛崖唐造象題名余所藏拓本共廿一種所未得者顯慶二年南平長公主造象記景龍三年尼无畏造象記也

### 桂州舍利函記

高九尺廣一尺二寸十一行

維大唐顯慶二年歲次丁巳十一月乙酉朔十三日丁酉於桂州城南善興寺開教建立此妙塔七級聳高十丈至顯慶四年歲次己未四月丁未朔八日甲寅莖佛舍利貳拾粒東去大口三十餘步舍利鎮寺普共法界一切含識永充供養故立銘記

右舍利函高七寸八分橫九寸八分中空以盛舍利者外四面一刻記其三刻佛像在臨桂縣萬壽寺案桂林風土記褚遂良以顯慶二年貶桂州今開元寺即今萬壽寺舍利塔前有褚公親筆寫金剛經云云或疑此記亦褚筆考顯慶二年遂良再貶愛州明年冬卒此非褚書明甚然筆勢瘦健其亦親炙於河南者歟

廣西通志金石記

按唐初善興寺後爲開元寺見莫休符桂林風土記宋爲壽寧寺見李時亮元豐四年雉巖題刻卽今臨桂縣雉山之萬壽寺也道光三年龍泉敘諭仁和徐君元植出示拓本次年果亭撫部成格自

桂管還京多貽石墨以是刻爲乘輦之先且云石  
函爲人攫去予購獲之屬友人納諸寺壁庶免負  
之而趨後二年老友錢唐何夢華元錫遊桂林親  
訪石函摩挲手搨視爲至寶余曰此歷刻之佳者  
耳因取撫部拓本證之則甲寅寅字作寅而後搨  
作宿四周鏤刻幾可亂真不知何人所易也

### 豆盧遜墓誌

石縱橫各一尺八寸三十二行行  
三十二字正書在陝西咸陽縣

大唐故駙馬都尉衛尉少卿息豆盧君墓誌銘

并序

君諱遜字貞順河南洛陽人也 太祖武皇帝之外孫  
太宗文皇帝之甥也原夫星街北鎮氣雄高柳之都

日域東臨威震扶桑之□及祥分玉板運地金行盛王

業於雀臺肇霸圖於龍塞舜燕入魏既得姓於□□□

□□□紀成功於翼主故得門傳戈鼎業擅細圖包宏

散以孤臣摠□□□□□□□□史冊可得言焉曾祖通

洪州摠管沃野公謚曰安道濟風雲□□□□□□□

□□□□□□□□鹿於朱駢落鳴鳥於玉輦百僚既肅

共仰金□□□□□□□□□□祖寬禮部尚

書左衛大將軍光祿大夫行岐州刺史□□□□□□國

贈特進州□□□□□□□□海岳擒靈辰象提氣

風格沉肅凝映士林□量宏深閑羅天□□□□□而□

□□□傳而並馳榮數極於生前緝禮繁於身後父懷

讓駙馬都尉

尚輩奉御

□□□太府衛尉少卿地望

高華音容韶令家延帝子室茂王姬同遊劒水之寵獨

□□□之鳳君卽衛尉第三子也親長沙長公主□

台於婺象分玉種於藍田□□□□朝光以動色彩

澄飛月疑夜景以□□□日稱奇髻初表疑數從戲

馬<sub>卽</sub>□□□之材璧自□羊方充河東之美豈止□烏

早歲獨茂重□元鳳夙齡亟工柔□及<sub>悲纏</sub>茹藜痛<sub>切</sub>

匪莪標氣就淪惕陰□殞雖年代浸遠風枝之恨罔渝

□□外□□<sub>悲</sub>之情尤切至若教成斷緯業就離絰華

海浮天鏡璇波於林岳談叢麗日<sub>敷</sub>□□<sub>於</sub>林加以

族茂燕垂氣淩河右弓<sub>懸</sub>明月碎密葉於楊塍騎轉淨



雲散輕於口口故得薦紳屬望披薜馳心猶决羽之

仰丹禽若消瀣之歸滄海豈謂寒風曉拂口口桂於初

華繁霜夜零剪庭芝於方秀嗚呼哀哉粵以大唐顯慶

四年四月十七日卒於雍州萬年縣之常樂里第春秋

一十有七卽以其年太歲己未八月己丑朔廿八日上

申遷窆千萬年縣少陵原禮也君以口梁景族懿戚豪

家生於鍾鼎之口口口簪裾之會然天資澹雅性與謙

恭無累煙霞之心自得風塵之表惜其英資口口口口

於明時盛德芳華圯淪於厚窆長沙主口口口之口口

口口口之永碎口口牛眠記葬薄謝鴟鵂馬鬣開封竟

資蠅故口口口口口口口口口口口口口口口口口口

駕見滕公之白日泉飛□□芬華子之陰□□□□

必轉□□□□□□□□擁而嘶馬秋風驚□□□□

菜田□方易懼舟空□□□□□□□□□□□□之

水扇其詞曰

地隔紫□星分柳塞山川盼響風雲曉暖□□□□□□

□匪昧上谷辭燕中山入代二公垂緒一數前載就日

標華浮霄引概衛尉含章芳□間起職移丹棘花飛樓

李門慶斯來篤生君子玉瑛方潤壁山齊美華海鯨分

詞林鳳峙日烏空落蕃羊暫擬謙恭神授孝友天成煙

霞自重戈鼎攸輕方遊星閣奄闕泉局將華落藥方秀

摧榮百身何贖千祀徒名帳引秋蟲檐飛暗翼畫柳朝

引素騏夕急荒隴沉暉寒郊冥色□□遽返歸魂何極  
空餘素範方標懿植

豆盧爲代北巨姓寬乃隋文帝之外孫入唐歷禮部  
尚書封芮國公諡曰定陪葬昭陵有碑存焉其子懷  
讓尚高祖女長沙公主遜卽公主之子也唐書宰相  
世系表載懷讓子名貞松官宗正卿封中山公無遜  
名遜爲懷讓第三子以早歿故不列於表古誌石華  
遜之遷定以八月己丑朔廿八日壬申當是丙辰之

誤

銘清簡金石記

右墓志三十二行行三十二字正書字徑三四分志  
言遜爲太祖武皇帝之外孫太宗文皇帝之甥又言

東懷讓駙馬都尉衛尉少卿君卽衛尉少卿第三子  
親長沙公主攷唐書公主傳高祖女長沙公主始封  
萬春下嫁豆盧寬子懷讓則遜卽懷讓之子也可證  
石刻東字乃父字之誤志又言曾祖通洪州總管浹  
野公諡曰安攷豆盧通隋書有傳云字平東勣之兄  
也在周以父功賜爵臨貞縣侯大都督遷儀同三司  
封浹野縣公加開府厯武賁中大夫北徐刺史進位  
大將軍開皇初進爵南陳郡公尋徵入朝又出拜定  
州刺史轉湘州刺史遷夏州總管洪州總管卒諡曰  
安有子寬則通在周封浹野公入隋又進爵南陳郡  
公厯官至洪州總管卒諡安志不稱其隋之進爵邵

公而稱周之初封縣公未知何故又豆盧勣傳言昌黎徙河人本姓慕容燕北地王精之後中山敗歸魏北人謂歸義爲豆盧因氏焉與周書勣父竈傳略同元和郡縣志云豆盧本姓慕容燕王廙弟西平王慕容運孫精之後又止標其望爲昌黎棘城與勣傳徒河少異據此誌云河南洛陽人則豆盧在唐時又有居洛陽者爲元和志所遺又攷元和志言精生猶醜猶醜曾孫萇永思竈生勣勣生毓永思生通通生寬唐禮部尙書芮定公寬生承業懷讓懷讓生貞松宗正卿中山公此志有禮部尙書左衛大將軍光祿大夫行歧州刺史云云其上多摩滅之字蓋皆敘懷

讓之父遜之祖寬之厯官也元和志於懷讓下無一字不獨未知其官衛尉少卿且不知其尙主而爲駙馬都尉又止知懷讓生貞松而不及遜皆可補其闕漏讀志文約畧知駙馬懷讓早卒遜係少孤遜之墓志蓋其母長沙公主令詞臣所撰雖不題姓名文頗美麗可觀書法亦不劣惟多摩泐且有如姓之作性古字通而父之誤東及偏而不正之字未知是原刻否豈出土後爲妄人補鑿之誤耶

古泉山館金石文編

按豆盧遜墓志銘題曰故駙馬都尉衛尉卿息豆盧君遜無爵而以父爵統之可爲碑版起例遜爲芮定公豆盧寬之孫駙馬都尉懷讓之子母曰長

沙長公主豆盧氏見唐書宰相世系表元和姓纂已詳芮定公碑跋尾此志祖下闕一字卽寬字也曾祖通山隋高祖妹樂昌公主附見隋書豆盧勣傳唐書公主傳高祖十九女次人爲長沙公主始封萬春下嫁豆盧寬子懷讓而不及懷讓官闕可据此補之誌中駙馬都尉下闕八字衛尉少卿上有太府二字唐百官志衛尉寺太府寺並卿一人從三品少卿二人從四品懷讓蓋兼太府衛尉二寺少卿又吏部司封載皇姑爲大長公主正一品姊爲長公主女爲公主皆視一品長沙爲太宗之妹高宗之姑石立於高宗顯慶而但稱長沙公主

何也遜爲衛尉第三子而姓纂世系表祇載懷讓  
子貞松宗正卿中山公餘皆不著遜字貞順以例  
貞松殆以字行而非名也豆盧氏之尙主者懷讓  
曾孫建尙元宗女衛國公主始封建平亦稱建平  
公主長安志萬年縣勝業坊有駙馬都尉豆盧建  
宅建尙建平公主又肅宗女宿國公主下嫁豆盧  
湛亦見公主傳與懷讓世系無攷常樂里在萬年  
縣朱雀街東第五街道政坊之南爲常樂坊長安  
志坊內有和政公主宅肅宗女降柳潭而不載長沙公主  
宅此可補宋氏之遺少陵原在萬年縣南三十里  
今爲咸甯大兆社



碑文闕字據筠清館所載補註於旁

陸增祥志

處士張興墓誌

石高廣各二尺首一行字徑八分誌文二十六行行廿七字字徑六分正書有界格在河南臨漳縣

大唐故處士張君墓誌銘

君諱興字文起南陽西鄂人也漢太史衡之胤胄昔靈表西豐留侯建帷幄之策星移東井常山興締摶之功或師範萬乘照彰圖籍光臨千里煥炳縑緗異動三台識司空之忠烈吟謠兩穗表太守之仁明弈葉簪裾蟬聯珪組規矩重疊代有人焉緬究遺編可略而言矣曾祖瓘魏冀州信都縣令絃歌不奏美化洽於一同鳴琴詎張仁風清於百里祖虔周太僕寺主簿才能幹濟智

略強明尋已辟除轉授瀛州河間縣令父才隋楊州江  
都縣丞輔弼風規俗流清化贊導名教邑致歌謠君胤  
係高華等琨珥之良劒箕裘纂組若青丘之祥鸞義烈  
因心未資於典籍忠良天縱不假於規模崇有道之林  
宗慕無爲之李耳名利之所不向榮辱之期混一弓旆  
不應羔鴈無移道契虛玄性符高尚縱寂寥而賞趣持  
澹泊而怡神志道研精非邀鼎食窮微盡要詎徇輕肥  
得性琴書吟嘯烟霞之表時談物義進退木鴈之間妙  
歎榮期高符黃綺時遊三徑乍撫一絃以道義而爲尊  
輕蟬冕而非貴探蹟幽隱迥邁庄惠之機致遠鈎深遙  
鉗黃老之趣想秦晉之有迹見潘陽之代親遂婚於辰

州辰溪縣令漢陽趙徽之女幽閑婉孌中饋聿脩懿淑  
溫之母儀庭宇君纂業成勞遇楊雄之痼疾淫書作瘵  
遭皇甫之沈痼氣擁膏肓疾纏腠理屬華他而不瘳見  
扁鵲而無療以貞觀廿二年七月廿七日碎於私第春  
秋六十有二夫人趙氏碎於永徽四年春秋六十粵以  
龍朔元年歲次辛酉十月癸亥朔廿三日乙酉合葬於  
故鄴城西八里禮也面平原背漳浦左帶蕪城右連林  
麓刊茲罔石紀以清徽勒彼鴻名光斯泉戶庶使青山  
爲礪表盛德而弥芳碧海成田闡嘉聲而不泯嗚呼哀  
哉乃爲銘曰

規矩重疊珪璋代映三台表異兩歧興詠人倫楷模擅

紳龜鏡百代逾芳千齡弥竟道合幽玄性符林壑迹齒  
滄波名流臺閣貴不充詘賤不殞鑊思巧雕龍光逾刻  
鶴有謂昇堂相期入室惟薄猶空繁華未實儼忽不幸  
咄嗟已失一棺既閑万事長畢茗菴壘首巉巖山足露  
銷草翠風飛樹綠元門一掩寒燈無旭私壤式題負芳  
載燭

誌內虔字作虔以祖諱闕筆隕獲作殞鑊岩菴作茗  
菴則誤字也又丞作丞匹作匹揚州揚雄之揚皆作  
楊

古誌  
石華

昆吾作琨瑀俗不泯作不泯避諱字前跋未及

陸增  
祥志

張周醜等造象記

石座高八寸廣二尺六寸四十一  
行行十字正書在陝西扶風縣

龍朔二年歲次壬戌八月丁亥朔十五日辛丑一十七  
人上爲皇

帝陛下七世父母所生父母及法界倉生見存眷屬歷  
劫師僧敬造弥勒世尊一區

並願捨耶歸正發菩提□常見一切諸佛

都象主張周醜一心供養

開佛眼主毛道長一心供

都化主李士昂一心供養

齋主邵士通一心供養佛

佛弟子董浪苟一心供養  
佛弟子王行威一心供養  
佛弟子張文興一心供養  
佛弟子韓小感一心供養  
佛弟子皇菴仁一心供養  
佛弟子李小才一心供養  
佛弟子潘德素一心供養  
佛弟子張仁感一心供養  
佛弟子張善智一心供養  
佛弟子毛德言一心供養  
佛弟子胡世才一心供養

佛弟子邵智達一心供養

佛弟子毛萇仁一心供養

佛弟子董善集一心供養

佛弟子張明度一心供養

佛弟子邵萬基一心供養

都道場主張善豐至

香火主董胡仁一心供養

登明主邵小通一心供養

開經主韓小威一心供養

東面道場主胡世才至

西面道場主張文興至

南面道場主李小才至

北面道場主董浪苟至

十七人大像主董浪苟一心供養佛

口者張諍度一心供養佛

按此石列名者二十四人名再見者四人三見者一人云十七人者指董浪苟以下稱佛弟子者是也皇帝皇字接寫眷作卷邪作耶菩作蔭並誤石在扶風縣關帝廟內與法門寺相近關中金石記寰宇訪碑錄亦皆未載

眷作媿蓋媿之省媿古通眷見史記

陸增祥志

周村十八家造象塔記



石高一尺八寸廣二尺六寸正書記七行行十五字  
至十八字不等題名十八行每家一行字數不等在  
河南脩武縣

惟大唐麟德元年歲次甲子六月丁丑朔五日辛巳懷  
州循武縣慈仁鄉无爲里周村一十八家敬造尊像一  
塔上為 皇帝陛下永隆鼎祚萬方清謐和風惠暢  
膏雨以時又爲七葉存亡云離慈苦上并刀利下逮  
天庶使大地蒼生常聞法教含靈稟氣□遇 明朝俱  
弃濁河同登正覺

周文倉妻常男孝通妻黃孫元式元聘孫敬福□福  
周子尙妻劉男信達妻高妻賈妻邢孫男恒託虔師虔  
□

汲郡從事周子微妻荀息公舉妻韓孫騎都尉又賢仁  
基仁忠仁靜元孫□□

周定妻郭妻荀男大陸吳澤二府校尉仁挺妻向孫義  
安元孫務儉

并州交城縣令周永建妻袁男明徹及妻孫思賢思友  
周仕峻妻牛男善見妻黃孫文綽妻李孫男文略

周屋妻馬男大陸府隊正上騎都尉行密妻王男仁貫  
曹州考城縣令周義成妻衛妻向男善徵妻黃孫男重  
席

劉子儒妻張男文遇妻周孫男師相師愕元孫慎知  
栞景嵩妻周男三良妻王孫文幹元孫義澄澄母寶

段文基妻張男許弘妻趙孫知十女要兒

孫長留妻王男君初妻劉男君彥妻王男沙門張

周子政妻路男隱師妻習孫男擇言妹胡女光兒

周買休妻馬男普通女匡兒通妻賀孫師相妻

周劉妻張男上騎都尉留買妻常孫男逸賢洪端

周毗羅妻路男義坊妻高男義均妻劉男義述孫務

周操妻王女夫張行志妻周外生賢子賢芳賢敬賢

上林府周君楚妻朱男元擬妻張孫男義端義模義

義倫

按脩武周村造象凡十八家十四家皆周姓惟劉  
琰段孫四家異姓記冤苦作慈善切利作刀利並

異文

荀氏不見於姓書疑卽列之別體慈當卽慈之

異文

陸增祥志

蘇寶才造像記

拓本高六寸五分廣五寸六行行七字正書在河南洛陽縣白馬寺

弟子蘇寶才并妻劉奉為 皇帝皇后敬造石觀世音菩薩一區今得成就謹共法界蒼生普同供養  
麟德元年六月建

按皇帝皇后高宗及武氏也高宗顯慶二年以洛陽為東都五年令皇后決百司奏事麟德元年天下稱帝后為二聖蘇寶才造像正其時也

孫文才石碑像銘

拓本高一尺八寸廣二尺六寸二十  
六行行十七字行書在河南河內縣

夫冥機未踐自我之累已深寂境尙遙有待之功斯立  
是則大悲廣濟隨方應誘旣而鶴林西變像教東流形  
相發於丹青容輝□於玉石至寤空湛體圓明以凝照  
妙理機□□權寶於生滅甘露遍灑潤品物於無邊慈  
雲廣覆濟羣生於□□慧炬已然重昏再朗化城旣導  
迷出□□□□有之舟航六道之津涉者矣以麟德元  
年歲次甲子去九月辛丑朔廿日庚申合村等深窮法  
性體悞無生知妙果之易登識善因之寶樹故能追往  
賢之勝軌作來際之盛儀遂迺畢力同心敬造石碑像

一區金城之所宣也東眺長川則有漢陵相望西瞻峻  
岳尼父之室巋然南顧湍流沁水間其側北臨陂澤魚  
鳥或浮沈彩雲月以交凝對太行而寫目其像紺眼流  
涕湛碧海之清瀾月面浮暉滿金波之淨彩建臺倫於  
額上晒萬宇於曾衿揔十力以降魔照三明而導物因  
此善根資益合村頤口口到玉體度劫火而常存無漏  
智燈越脩芥而壽命上爲皇帝下及有情七代先靈  
存亡眷屬莫不俱會勝因咸登覺路乃作銘云 悠哉  
正覺皇平膺身筌蹄靡際游泳無津闡揚妙果圓宣勝  
因救茲生滅拯彼沈淪感終真俗汲引人天千尊注記  
八會來緣城空芥實石滅灰然眇眇沙界悠悠大千方

憑妙力永濟無邊

按河內石碑像銘方彥聞

履鑑

拓贈撰書及造像

人皆不著方云孫文才造像記蓋據訪碑錄題之  
或上石別有孫文才題名而此本失搨書極精妙  
惜搨未工耳碑中前剜徑二寸許後剜寸許缺十  
數字歲次甲子乃麟德元年也

額題古相像主陪戎校尉孫文才合家供養此  
本失拓碑有陰刻懷州河內縣金城村創修功

德院記

陸增祥志

張對銘

石高一尺一寸廣九寸五分九行  
行十二字字徑九分正書有界格

大唐故張君之銘

君諱對字懷玉南陽白水人也祖貴朝散大夫父素身有勳官潛居白屋惟君積善餘慶始驗無微憊疾一宵遂殞和弟粵以大唐亂封三年歲次戊辰正月乙酉朔十七日辛丑春秋一十有七卽以其月二十五日殯於龍門西平原禮也忠陵谷遷變口海成田勒石泉扃傳芳永久

韓寶才墓誌

石縱橫一尺二寸十二行行十三字正書在陝西長安縣

大唐故韓君之墓誌

君諱寶才長安人也君德行著於鄉閭物義芳於隣里



不謂天降痼疾漸加困劣名醫頻療曾不見瘳忽以咸亨四年歲次己酉十月朔十九日卒於京城懷德之第春秋七十有三遂以其年十一月九日殯於京城西布政之原小嚴村之左恐年代遷移墳將彫落勒茲玉琬以記其處乃為銘曰

然君孝行莫不恭順生前著芳沒後留潤

按韓寶才墓誌不知原名所在此其翻刻本也唐改作唐他碑未見咸亨四年歲次癸酉此誤作己銘首然字亦不可解拙工作偽往往敗露惜未得原刻校正之其云懷德之第布政之原並與宋敏求長安志合長安志朱雀街西第五街第六坊曰

懷德又長安縣境六鄉管六里義陽鄉在縣西南  
二里管布政里蓋寶才居懷德坊第而殯於布政  
里之小嚴村村名可補舊志之缺

周遠志造彌陀像文

石高三尺四寸廣五寸十四行行二  
十八字正書在河南洛陽縣龍門山

阿彌陀像文

竊以理冥冥際證一法以標同道契應機隨十方而顯  
号故以光開別相起化逾弘業現他心崇因更遠是知  
方稱妙樂開妙覺之重闌玉樹金臺啟菩提之秘苑觀  
日觀華之觀繫深習於薰脩仰十合以虔誠妙旨資其  
密感弟子宣義郎周遠志等並翹想馳於法浦迺結願

於西方僉準六八之言遂要盟於彼會然卽幽塗皎鏡  
承慧日於堯天覺路重開蕩六塵於舜海旣而沐茲鴻  
造想荷恒深罄臣禮而寫真容申孝仁而圖淨域奉為  
天皇天君太子諸王遠劫師僧七代父母敬造阿彌陀  
石像一龕今得成就素臺融質矚三界而疑明聖眾乘  
心覃太虛而應物祥光捧座延勝福於花臺寶樹流光  
證慈光於道樹蓮開沼沼瑩朝日以增暉聚月分容闢  
昏衢而永旦用斯功德保祚  
皇基兼被幽明同歸福海豎通有頂惣契无生旁且無  
邊俱昇淨境

大唐上元二年十二月八日功記詞

按唐書高宗紀上元元年上稱天皇皇后稱天后  
龍門山唐造象極多所蓄拓本凡二百數十  
種無年月可證者僅廿餘耳其所未得者尙復  
不乏甚矣搜羅之難也

陸增祥志

許洛仁妻宋氏墓誌

石縱橫各一尺二寸十七行行二十字正書在陝西咸陽縣裴氏

大唐故冠軍大將軍代州都督上柱國許洛仁妻義邑  
縣君宋氏夫人墓誌

并序

夫人諱善主字令儀定州安喜人也原夫罔禽翹羽口  
有商之祚白翰騰驤肇承殷之祀洎平分邦錫社凝茂  
實於睢陽列國會盟秀芳華於官度祖逸周開府儀同

三司江州刺史永寧縣開國公父濤隨左千牛備身永  
州柱國長史襲爵如故並位光烈宰名叅上將褰帷楚  
甸副軫衡吳夫人名藹蘭閨聲絲閣壺標梅靚止櫟木  
承恩捧案申恭敬深饁野年過蒲柳歲迫桑榆遘疾弥  
流遊魂岱錄春秋九十有九薨於金城坊里第卽以其  
年五月廿四日窆於龍首原禮也嗚呼哀哉松風悽慘  
薤露蒼茫悲夜臺之永暮痛佳城之末光乃爲銘曰  
天開寶祚地啟靈源瑤華蔭蔚玉葉便繁偉哉先哲倚  
與後昆褰帷下邑露冕上藩其一四德標舉三從惠養淵  
慎居貞聲名厲響景西傾逝川東往塵玉質兮重泉  
遂埋魂兮幽壤其二

許洛仁以龍朔二年十一月陪葬昭陵有碑在醴泉  
縣儀門村文載金石萃編洛仁卒於龍朔二年四月  
年八十有五夫人年九十有九當卒在洛仁之後誌  
僅載窆之月日而未書卒葬之年今編附儀鳳元年  
以洛仁同歲度之也洛仁碑未及其妻子此誌亦未  
及其子宰相世系表宋氏二族亦未及夫人之祖若  
父其事實皆無可考矣誌首書誌作誌與濮陽卞氏  
誌同書亦留之留作流

古誌  
石華

右墓志前人未見著錄恐係近時出土者首尾共十  
七行每行二十字正書字徑三分其首題大唐故冠  
軍大將軍代州都督上柱國許洛仁妻襄邑縣君攷

許洛仁係唐初功臣卒後陪葬昭陵今陝西禮泉縣昭陵其碑尙存碑額題大唐故冠軍大將軍代州都督又碑首題全銜末云代州刺史上柱國皆與此合則此卽其妻之墓志無疑顧文中但敘其父祖之官爵而絕不及洛仁之姓名與官階勳爵又無子孫男女等名而銘中有猗與後昆褰帷下邑露冕上藩等語則似有子孫而且有官爵者且旣無洛仁卒之年月而記其卒則但云春秋九十有九以其年五月廿四窆於龍首原又不詳其生卒之紀年月日可謂簡略之至矣志不題撰書人姓名而字頗韶秀有唐初書家風度洛仁新舊唐書附載其兄世緒傳文亦甚

略昭陵碑下半截又多磨滅惟其歿於龍朔二年四月春秋八十有五尙可辨至其妻與子之姓名皆不可考矣碑稱其爲博陵安喜人唐書地理志安喜屬定州博陵郡此云安州安喜人亦與洛仁碑合洛仁卒於龍朔二年年八十有五此誌文中敘其祖與父爲周齊之官則其妻之齒當亦不甚相遠而卒年九十有九則洛仁當又十數年計龍朔二年至高宗末永淳二年尙隔廿一二年則宋夫人當亦必卒於高宗之世矣此志尙是唐初之物可寶也功臣陪葬昭陵未必妻能合葬志亦但言薨於金城坊里第窆於龍首原而俱不及其郡縣之名攷長安志金城坊在



皇城西第二街又龍首鄉在萬年縣東十五里此揭  
本從碑肆中購來者審其紙墨似是陝西拓手或因  
洛仁賜葬昭陵其家卽居長安故其妻卒葬於此亦  
未可定其書墓志之志作鋹不从言而从金爲他刻  
所未見睢陽之睢从目不从且隋字有通第字从廿  
不从竹皆足資攷据者惟弥留作弥流標梅之標从  
木不从才蒲柳之蒲从捕不从浦薤露之薤作薤靈  
源之靈作靈露寃之冕上从冎則皆字之俗體古泉山館

金石文編

按許洛仁兩唐書並附見許世緒傳世緒并州人  
弟洛仁亦從起晉陽錄功至冠軍大將軍行左監

門將軍永徽初卒贈代州都督諡曰勇陪葬昭陵  
今昭陵有許洛仁碑額篆題大唐冠軍大將軍代  
州都督許公之碑公諱洛仁字濟博陵安喜人唐  
書地理志定州博陵郡屬河北道安喜其屬邑此  
志亦云定州安喜人正與碑合蓋夫人與公同邑  
史傳作并州人疑有誤矣洛仁薨年八十有五當  
龍朔二年碑字可辨史以爲永徽初卒亦誤此誌  
但云春秋九十有九薨於金城坊里第而不著代  
年如與洛仁年歲相若則薨於上元儀鳳間矣長  
安志朱雀街西第四街卽皇城西第一街街西從  
北第三金城坊洛仁碑私第上缺殆卽薨於金城

坊五字可据此誌補之誌題備書夫之官閥姓名而誌不及夫之事績可爲婦人銘墓之法不題墓誌墓銘而題墓誌亦所創見也誌誌音銘義此石不知何年出土長安民家以作搗衣砧字將平矣咸園帖賈斐脩甫得之拓本幾不可辨道光元年二月將去西安特過脩甫就石錄之

青蓮寺造象殘刻

在河內清化鎮寺內附儀鳳後

張三娘造像并鑄心經題記

石高一尺六寸廣一尺二寸正面造像碑陰刻多心經并記十七行行二十字正書在陝西乾州阡道鎮寺中巨

般若波羅密多心經

經文不錄

永隆二年五月四日雍州好時縣佛弟子張三娘爲亡夫及父婆男女眷屬敬造弥勒世尊觀音地藏二菩薩及鑄般若多心經息男張万基

按元和郡縣志關內道京兆府雍州好時縣本漢舊縣在今縣理東南十三里故城是也時者神明所依止以雍州積高神明之隩故立時以郊上帝諸神也後漢省武德二年分醴泉縣置因漢舊名屬雍州三年改屬稷州貞觀元年廢稷州復屬雍州二十一年于廢上宜縣置好時縣今縣理是也

稱舅姑爲父婆亦所僅見是刻金石家皆未著錄  
嘉慶中仁和何兵備承襲任乾州訪得之拓以寄  
贈

筠清館作強三娘陸增祥記

傅瑩仁等造像記

佛座高二寸五分廣一尺二寸十四行行四字正書

大唐永隆二年歲次辛巳九月丙申朔十二日丁未傅  
瑩仁傅道遠傅仁高三人合家等上爲七代父母法界  
衆生敬造阿彌陀像一鋪合門供養

按高宗永隆元年歲在庚辰開耀元年歲在辛巳  
通鑑是年十月丙寅朔乙丑改元開耀十月朔日

既爲丙寅則此月必無乙丑朔法此舊史之誤通鑑因之新書是年九月乙丑改元乙丑爲九月晦日故十二日丁未尙稱永隆二年也黨作堂省文是刻未詳所在平陽儀墨農克中得之江都江鄭堂或卽鄭堂藏石也

花塔寺馮鳳翼等造象題名

佛座石高六寸五分寬二尺許缺左方下通計在十七行行七字正書在陝西咸陽縣花塔寺

朝請大夫內常侍上柱國馮鳳翼

朝散大夫行內謁者監上柱國莫順之

徵事郎守內寺伯借排魚袋王忠謹

朝散大夫行內謁者監上柱國杜元璋

朝請大夫行太子內坊典內上柱國魏思泰

正議大夫行□□事上柱國

下缺

中大夫□□□□上柱

下缺

按石缺年月形式字體與梁義深題名相似梁造象置塔上此置殿壁並在今花塔寺中當是同時所刻萃編錄梁義深題名而此刻失載又因王璿造象記長安二年有七寶花臺之語引長安志唐皇城西懷遠坊大雲經寺中寶閣崇百尺時人謂之七寶臺爲證豈王璿造象自城西移置耶又唐京城朱雀街東第三街亦有七寶臺以地考之皆不得傳會花塔也六典內侍省內侍從四品上內常侍

正五品下內謁者監正六品下內侍伯正七品下  
太子內坊典內從五品下舊唐書職官志上柱國  
正第二品勳官正議大夫正四品上中大夫從四  
品下朝請大夫從五品上朝散大夫從五品下徵  
事郎正八品下並文散官

余所得拓本較多一行僅存行首一朝字諸家  
均未之見筠清館次高宗末從之陸增祥志

上護軍龐德威墓誌

石縱橫各二尺三十二行行三十一字正書在陝西咸陽縣

大唐故上護軍龐府君墓誌銘

并序

君諱德威字二哥南安人也晉三方鼎峙王道申其爪



牙六國權衡朔圖重其謀略泉原濬極遠派靈長擢幹  
決疏脩條葆茂公卽其後也曾祖隆周任益州司倉叅  
軍事贊分符於三壘佐剖竹於銅梁仁教以之傍融政  
化因而遠被祖慶隨任潞州上黨縣承德宇奇廓器量  
淹深百里仰其成規一同資其善政父師隨任廣州司  
馬嘉謨自蘊妙善非因灑落風煙超摠雲漢輔分珪於  
五嶺道洽泣珠之鄉楊別扇於三湘恩浹落星之境公  
則器惟瑚璉性乃珪璋岐嶷表其猷年魁岸章其冠歲  
英姿挺秀天骨標奇立行可模出言成範明明令德莫  
測其淺深滔滔雅量詎知其遠近神機獨運吞鎮北於  
曾問智略兼人旌征南於度內深衷海濬壯志山高學

盡五車書工八體控雕弓而屈右落鳳啼援張空拳而  
啟行批熊拉武往以三韓未附鯁壑驚波九種猶迷鼇  
津駭浪公荷霜戈而奮武揮星劔以臨戎勇若鯨諸捷  
如慶忌遂授公勳官上護軍酬勞効也咎叔敖知履尾  
之懼不受楚國之封仲連快觸鱗之威竟謝齊君之祿  
公深明止足之誠遠識無厭之謨乃謝病辭朝自樂馬  
游之乘追驩宴友方欣陸賈之田怡怡弟兄恂恂鄉黨  
不謂輔入虛說天道無徵二豎纏痾兩楹興歎名香何  
在唯增啟足之悲神竈空傳詎免遊魂之怨以軋封元  
年十二月十七日寢疾弥留卒乎私第春秋六十有八  
琴臺月上永息陽春之音金埒風生誰控桃花之騎夫

人王氏其先太原人也侍中遊覽警魏閣以流芳將軍  
卧病開秦基而演慶祖尙隨任銀青光祿大夫相州長  
史父暉隨任潞州司倉並珪璋其質松栢其心處涅不  
緇凌寒轉翠夫人騰姿月魄稟質坤靈道冠三從行該  
四德品搖空之舞雪特妙因風辯絕響之哥絃懸明第  
次承巾奉食重德輕鱗禮逾晉缺之帷義越楚莊之室  
雖良人盛質弥軼畫眉之情而剋已明心以表輕身之  
詠豈謂百年難續千月易窮倏奄夜臺俄辭白日以垂  
拱三年歲次丁亥十月六日卒乎私第春秋七十有六  
單鳧獨逝已悽潘子之懷兩劍雙沉遽切丁君之慮卽  
以其年十一月辛酉朔廿二日壬午含塋于四池之側

禮也青烏獻地寧惟千載之墳白鶴占原自應三台之  
氣孤子行基等仰蒼穹而無色擗黃壤以崩心痛結藜  
莪哀纏岵岵恐山迴牝壑海變桑田爰紀芳猷式刊貞  
琬其詞曰

惟岳降靈惟天降昴誕茲明哲信邦之寶式贊

皇基爰扶

帝造功成名遂身退天道

其一

昂昂挺秀鏘

鏘雅士脫略公卿跌宕文史盛德推賢謙撝剋己妙閑

韜略尤明宮徵世曰琳琅時稱杞梓

其二

易美家人詩光

女則登機成素乏田奉食海曲和鳴河洲比翼孝該籠

水慎深攀棘月牖霜帷舍貞抱直其三匣中雙劒先後俱

沉泉中塵玉地下埋金荒郊引霧寒壟凝陰佳城鬱鬱

逝日駸駸一歸窮壤誰明恨心

其四

此誌未載葬地云合葬於四池之側据景龍四年顏  
瑤誌云歸葬於雍州萬年縣四池坊之北則四池坊  
名也萬年今咸陽縣

筠清館金石錄

右墓志三十四行行三十一字正書字徑五六分行  
間有某格龐府君及其父祖皆未至顯官故姓名不  
見於正史然此文駢體楚楚可觀文中云往以三韓  
未附鯁壑驚波九種猶迷鼉津駭浪公荷霜戈而奮  
武揮星劍以臨戎勇若鯁諸捷如慶忌遂授公勳官  
上護軍酬勞効也攷唐自高宗初年用兵伐高麗突  
厥賀魯契丹鉄勒龜茲吐蕃百濟新羅諸蠻等以迄

於乾封征伐無虛日德威蓋身歷戎行僅得勳官而  
卽退歸者也世俗於父母之喪父亡稱孤子母亡稱  
哀子父母俱亡則稱孤哀子然攷儀禮士喪禮士虞  
禮及禮記於親喪皆稱哀子王制少而無父者謂之  
孤孟子言幼而無父曰孤則曲禮孤子當室郊特牲  
孤子深衣孤子衣純以素皆謂其少而無父者言之  
矣此志稱孤子行基等其時係合葬父母而不稱孤  
哀子雖當稱哀子而稱孤子於禮亦未盡合然正居  
母喪而不稱哀可見唐初尙不以孤哀爲父母異稱  
也惟就愚所見如唐貞元六年韋公夫人王氏墓誌  
爲其子撰書自稱哀子元和十年魏叅軍遼墓誌亦

其子撰書自稱息孤子皆與今同可見此等俗例已起於唐季厥後相承行用而不知其非故司馬溫公收入書儀然孤哀子之稱於唐刻尙未之見也文云批熊拉武以武爲虎乃避諱改字

古泉山館金石文編

按姓纂龐氏本望南安戰國時魏有龐涓趙有龐煥三國蜀有龐統志所稱三方鼎峙王道申其爪牙六國權衡霸圖重其謀略卽指此也誌云三韓未附九種猶迷奮武臨戎遂酬勞効蓋太宗高宗時旣平北荒置西域用兵高麗龍朔二年定天山九姓德威時在行間乾封元年年六十有八則生於隋文帝仁壽二年夫人垂拱三年年七十有六

則生於煬帝大業八年少德威十歲誌銘雅馴書  
法整秀憎撰書人不著菀茂見左太冲吳都賦鬱  
號菀茂方言曰凡草生而初達謂之菀

舍貞抱直含誤作舍

陸增祥志

朝請大夫陳護墓誌

縱橫各一尺五寸二十一行行  
二十一字正書在陝西武功縣

唐故朝請大夫陳府君墓誌銘

井序

君諱護潁川人也昔釐降二女唐堯安洪水之灾運口  
六奇漢祖免白登之敗其後太臣之長道貫聚星河  
之才文光倚馬地靈相繼時英不絕曾祖並絕幹千尋  
斷山萬仞一邈發竊金之彩五車覽群玉之書君姿靈



秀氣詭粹冲和澄雅操以霜明照清規而月舉踐義爲  
勇履孝成忠漸礼義之膏腴嗣箕裘之聲訓藏器而逢  
亂代進德以及明時爰屬義師暫披誠款摧鋒後殿擐  
甲先登雕弓挂滿月之輝雄劒耿長天之色蒙授朝請  
大夫賞有功也旣而輕忽簪組踞傲泉石魚山騁望懷  
子建終焉之心鵬海驚濤養孟軻浩然之氣惜乎浮生  
易天七百之壽未階飄忽難留千月之期行盡以上元  
元年終於私第春秋一百有一夫人蔡氏卽以垂拱四  
年正月廿三日合葬於三時鄉礼也子文德仰高天而  
再弔踳厚地以纏哀恐舟壑潛移莫辯藤公之室海田  
斯變不曉原氏之阡式誌陰溝迺爲銘曰

至矣夫君超然不羣事君以敬在家必聞信著朋執義  
□仁恩早霑舜雨夙奉堯雲提弋杖劒掃祲除氛其□  
□略功橫大勳脩路頓阻昭代俄昏落徂光之□□□  
長夜之歸魂起寒烟於楨槎下白露於松門□□□□  
百代後靈知埋玉此□墳

右墓志廿一行行廿一字正書字徑五六分有界格  
志所言陳府君卒於上元元年春秋一百有一以時  
代上推生於陳宣帝太建十年厯隋而至唐高祖武  
德元年纔四十一歲耳又七年而唐始一統尙不及  
五旬文云爰屬義師暫披誠款蓋於唐初投軍立功  
而得官者然其後云蒙授朝請大夫賞有功也攷唐

制朝請大夫乃文職從五品之散階不爲小矣然旣屬文職又係散階而非實除之官皆不可解志不載父祖之名以曾祖二字籠統括之可見其出身單寒並非名家子弟矣而美其先則云一簣發簠金之彩五車覽羣玉之書稱其才則云漸禮義之膏腴嗣箕裘之聲訓可謂浮泛不切但知諛墓者矣其書浩然爲皓然滕公爲滕公於假借之義可通而誤易天爲易天提戈爲提弋皆別字又以簠作簣以蹟作躋皆謬體也其志墓而曰陰溝亦它刻所未見文但言葬三時鄉而不言縣名攷五時四時之名起于秦漢而無三時据漢書地理志五時等皆當在右扶風雍縣

唐時謂雍州以武功好時等隸雍又攷宋長安志云  
武功縣西南二十里有三時原西入扶風縣界武功  
亦漢縣而隸右扶風者三時原恐卽此志之三時鄉  
也第不知所謂三時者何所指耳志言其潁川人當  
是舉陳之舊望此志想亦近出關中未審于何縣掘  
得五時之名予已於漢好時鼎攷內詳之矣又攷廣  
韻言陳姓周武王封舜後胡公滿於陳胡公滿子孫  
以國爲氏出潁川唐書宰相世系表亦云陳氏出自  
媯姓虞帝舜之後故此碑首用釐降二女事

古泉山  
館金石

編文

按陳護誌石道光十一年出於武功十三年米脂

知縣及門顧鶴寄到拓本僅闕十餘字三時鄉之三字泐存末畫元和郡縣志關內道京兆府武功縣有三時原在縣西南二十里高五十丈西入扶風縣界卽此誌所稱三時鄉也高宗上元元年甲戌護年一百有一則生於陳宣帝太建六年甲午夫人蔡氏以武后垂拱四年戊子含葬距護歿時十有四載蓋亦同享大年者倨傲作踞浩然作皓滕公作藤並假借字籒籒別文籒作籒易作易天作𠂔戈作弋皆誤筆非通借也